

نومرو : ۱۲۵

اداره خانه

ایستانبول ، جفال اوغلی ، دائره اجتهاد
تهلهفون نومروسی : ۸۶۵

« Idjtihad » Constantinople

بشنجی منه

مدیر مرخص : الہامی صفا

نسخہ سی ۵۰ یارہ

اقتصادی ، ادبی ، اجتماعی ، ہفتہ لق مجموعہ

حریت فکریہ مہام

سنہ ۱۲۵۰
تورکیا ایچین ۵۴ غروش ۳۰ غروش
ممالک اجنبیہ ایچین ۱۵ فرانق ۸ فرانق

آبونہ

۱ کانون ثانی ۳۳۰

اجتہاد

ر . ص . بك

ذاتیہ ، تدقیقات مہادیہ ، اوزون سیاحتلر کی عواملک سایہ فیضندہ کسب کشایش ایدہ رک ، قطع ایتدیکی محرکہ کندبسندن اول طلوع ایش برتون نجوم زاهرہ یی دوجار انکساف ایدہ جک بررونق حیات ایله پارلایور .

..

بو مقاله لردہ اولاً نظر دقتی جلب ایدن شی ، اسلوبک یکیلکی ، افادہ نک شخصیتیدر ؛ سائر سیاسی مقالہ لردہ خاص او باصمہ قالب طرز افادہ ایله بو اسلوبک اوقدر متمایز فرقی محررک شخصیتندہ کی جاذبہ ورقنک درجہ سنی اثبات ایدر . شمدی یہ قدر غزہ ستونلرندہ کورینن سیاسی مقالہ لردہ یا عامی ، خرج عام بر غزہ جی اسلوبی ، یاخود آغیر ، صیقیجی بر نطق ، بر درس افادہ سی کوریلیر : ایلک دفعہ برادیبہ خاص سلاست و ظرافتله سیاسی مقالہ لردہ ر . ص . امضاسی آلتندہ اوقوندینی بی شہہ در .

ثانیاً بویولده مقاله لردہ صرف غزہ معلوماتی و آرائس وقوفی دنیلہ جک پک بسیط بر معلومات کورلمک ممکن ایکن ر . ص . بکک مقالہ لردہ نصل درین تدقیقلرک ، واسع معلوماتک اوزون تبعارک محصولی اولدینی ظاہر اولان تاریخی ، سیاسی جغرافی بر وقوف نظر دقتہ چارپیور ! اوچنجی درجہ دہ ایسہ وضع ایدیلن مسائل سیاسیہ نک نہ موشکافانہ برمہارتلہ ، نہ بویوک براسابت محاکمہ ایله حل ایدلدیکی ، سیاسی دنیلن مقالہ لردہ کوزہ باطن کفایت نفس دلایہ لرندن ، خود پسندلک شائبہ لرندن نہ قدر عاری وبری اولدینی تصدیق ایدلمک لازم کلیر .

شمدی یہ قدر سیاسی مقالہ یازان محررلر اولسہ اولسہ بر مبعوث اولہ ییلورلر ایدی . ر . ص . بکک غایہ خیالی هیچ ظن ایتمکہ بوقدر بسیط اولسون . او ، اوقدر مزیات فوق العادہ ایله مجهز درکہ ، او اک مشکل اک بویوک وظیفہ لریدہ موفقیقلہ حسن ایفا ایدہ ییلیر : ایشته بونک ایچون بن کندینی استقبالك اک پارلاق بر دیپلوماتی اولہ رق کورییورم .

محمد رفیع

صوک ہفتہ لر ظرفندہ اوراق یومیہ دن بعضیلرندہ بالخاصہ « توران » غزہ سندہ پک یکی بر امضا ایله پک شایان دقت سیاسی مقالہ لر کورلمکہ باشلادی . اکثریسی پک مہم مسائل جاریہ دہ دائر درین آفاق تدقیق و تتبع کشاد ایدن بو مقالہ لر ادبیات سیاسیہ مزک بویوک بررونقلہ ظهور ایدن یکی بر صاحب قلم ایله کسب ثروت وزینت ایتدیکنی پارلاق بر صورتندہ اثبات ایدیور .

بعض ذوات سحر موفقیقلہ طوغار دیرلر ؛ ر . ص . بکک بو ذوات نادرہ و مقبلہ دن بری اولدینی ادعا ایدہ جکم . کندیسہ ہانکی مسلک انتساب ایتسہ بویوک بر شعشہ ایله ارائہ وجود ایدن قدرت ولیاقتیلہ جملہ سندہ درین تجدد و تکمل ایزلری براہ حق بر شخصیت بارزہ یہ صاحب بر رجل نمیدر .

بر وقتلر ، بو ممتاز شخصیتیلہ ادبیات عالمندہ پارلامش ایدی . اوزمان فرانسزلرہ رشک آور اولہ جق صاف وسلیس بر فرانسزجہ ایله ادبیاتمز و حیاتمز حقندہ یازدینی تدقیقات ادبیہ واجتماعیہ پارسک مہم مجموعہ لرندہ ، پایتختک جرائندہ بویوک تقدیرلر او یاندرمش ایدی . آرزماندہ بویوک بر شہرت قازانہ رق ہر آغزہ کز مکہ باشلامش اولان « دیہسہر » امضاسی مع التأسف ادارہ حمیدینک امر وجبریلہ مجبور اغتراب قالدی . فقط دیہسہر بک ، او زمان مطبوعاتمز تضییق ایدن کابوس تقنیشدن اجتناباً اجنبی غزہ لرینک لطف حمایہ سنہ التجایہ مجبور قالمش ایکن اورادہ بیلہ مجبور سکوت اولنچہ ، مطبوعاتہ مغبر قالہ رق سنہ لرجہ برشی یازمادی .

بوکون تکرار طلوع ایدیور ، وکندی لسانک شعشہ بلاغیتلہ ایلمک حملہ دینہ ارباب دقتک نظر تقدیر وشاباشنی کندینہ جلب ایدیور . اوزمان ادبیاتندہ یاپدینی شیئی بوکون عالم سیاسیاتندہ یاقی ایستہ دیک صوک کونلردہ کی فعالیت ثمرہ سندن تظاہر ایدیور .

پارلاق ہویت ادبیہ سی ، مرور زمان ایله تجارب